

RESOLUCIÓN REITORAL DE 2 DE XULLO POLA QUE SE CONVOCAN “PREMIOS Á EXCELENCIA ACADÉMICA” PARA ALUMNADO QUE INICIA ESTUDOS DE GRAO NA UNIVERSIDADE DE VIGO NO CURSO ACADÉMICO 2019/2020

A Universidade de Vigo, comprometida coa cultura do aproveitamento académico e do esforzo, quere atender de xeito especial aos/ás estudantes que obtiveron resultados relevantes nas distintas fases das Olimpíadas científicas e aqueles/as que destacan de xeito particular por unha traxectoria curricular de excelencia nos estudos de ensino secundario, previos a súa incorporación á universidade. Para tal fin estímase conveniente a convocatoria destes premios cofinanciados polo Banco Santander.

Vista a *Lei 9/2007 de Subvencións de Galicia*, as disposicións aplicables da *Lei 38/2003, do 17 de novembro, Xeral de Subvencións* e as súas normativas de desenvolvemento.

En virtude das facultades que lle outorgan a Lei Orgánica 6/2001, do 21 de decembro, modificada pola Lei 4/2007, do 12 de abril, de Universidades e o artigo 72 do Decreto 13/2019, do 24 de xaneiro, polo que se aprobaron os estatutos desta universidade.

ESTA REITORÍA RESOLVE:

1. Convocar, en réxime de concorrencia competitiva, 60 premios á excelencia académica para estudantes que inician estudos de Grao no curso 2019/2020, que serán xestionados de acordo coas bases reguladoras que figuran no Anexo I.
2. Ordenar a publicación desta convocatoria e as bases que a regulan no rexistro xeral, nos rexistros auxiliares e no [Portal de bolsas](#) da web da Universidade de Vigo.

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia resolución expresa ou presunta do recurso de reposición, de acordo co disposto na *Lei 39/2015, de 1 de outubro, do procedemento administrativo común das administracións públicas*.

Vigo, 2 de xullo de 2019

O reitor

Por delegación RR 01/12/2018 (DOG 07/12/2018)

A vicerreitora de Captación de Alumnado, Estudiantes e Extensión Universitaria,

(Asinado electrónicamente)

Natalia Caparrini Marín



ÁMBITO- PREFIJO

GEISER

Nº registro

U03800121s19N0000371

CSV

GEISER-ea78-3947-6435-41d8-b68e-c14b-fe82-05fc

DIRECCIÓN DE VALIDACIÓN

<https://sede.administracionespublicas.gob.es/valida>

FECHA Y HORA DEL DOCUMENTO

03/07/2019 12:48:36 Horario peninsular

Validez del documento

Original



GEISER-ea78-3947-6435-41d8-b68e-c14b-fe82-05fc

ANEXO I

BASES QUE REGULAN OS PREMIOS Á EXCELENCIA ACADÉMICA PARA INICIO DE ESTUDOS DE GRAO NO CURSO 2019/2020

1. OBXECTO

Os premios teñen por obxecto incentivar a cultura do mérito e a excelencia, a través do recoñecemento ao alumnado cos mellores resultados académicos nos estudos previos ao seu ingreso na universidade, ou que teñan acadado un relevante éxito nas distintas fases das Olimpíadas científicas. Os premios están destinados a sufragar parte do custo dos prezos públicos de matrícula

Convócanse 60 premios distribuídos do seguinte xeito:

- 13 premios ao alumnado con premio extraordinario de Bacharelato ou Ciclo Superior.
- 12 premios ao alumnado clasificado en postos relevantes das fases internacional, nacional ou autonómica dalgunha das Olimpíadas científicas.
- 25 premios ao alumnado con excelente resultado académico no Bacharelato.
- 10 premios ao alumnado con excelente resultado académico no Ciclo Superior.

2. REQUISITOS

Pode participar nesta convocatoria o alumnado que cumpra os seguintes requisitos:

- a) Estar matriculado por primeira vez en estudos de Grao na Universidade de Vigo no curso 2019/2020 e manter a condición de matrícula durante todo o curso académico.
- b) Ter finalizado os estudos de bacharelato ou ciclo superior no curso 2018/2019.
- c) Cumprir algún dos seguintes requisitos académicos:
 - i. Obter **premio extraordinario de Bacharelato ou Ciclo Superior** da Xunta de Galicia no curso **2018/2019**
 - ii. Estar clasificado do **1º ao 3º posto da fase autonómica, ou do 1º ao 8º posto das fases nacional ou internacional dalgunha das Olimpíadas científicas** celebradas no curso **2018/2019**, recoñecidas polo Ministerio de Educación e Formación Profesional, ou pola Consellerías de educación das Comunidades Autónomas, ou aquelas nas que participe algunha Universidade na súa organización.
 - iii. Ter unha puntuación igual ou superior a **8,5 puntos** no expediente académico no **Bacharelato**.
 - iv. Obter unha puntuación igual ou superior a **9 puntos** no expediente académico no **Ciclo Superior** de formación profesional.

Non poden ter a condición de beneficiarios/as as persoas nas que concorra algunha das circunstancias establecidas no artigo 13.2 da Lei 38/2003 Xeral de Subvencións, de 17 de novembro.

3. COMPATIBILIDADE

Os premios que se establecen nesta convocatoria son compatibles con calquera outro premio ou axuda.



ÁMBITO- PREFIJO

GEISER

Nº registro

U03800121s19N0000371

CSV

GEISER-ea78-3947-6435-41d8-b68e-c14b-fe82-05fc

DIRECCIÓN DE VALIDACIÓN

<https://sede.administracionespublicas.gob.es/valida>

FECHA Y HORA DEL DOCUMENTO

03/07/2019 12:48:36 Horario peninsular

Validez del documento

Original



GEISER-ea78-3947-6435-41d8-b68e-c14b-fe82-05fc

No caso de ter opción a varias modalidades desta convocatoria concederáse unicamente 1 premio.

4. DOTACIÓN, CONTÍA E PAGAMENTO

- Os fondos destinados irán con cargo á aplicación orzamentaria 2019 0000 121D 482.12 e o importe máximo do crédito orzamentario retido para esta convocatoria ascende a **36.000,00€** para o que se achega o correspondente certificado de existencia de crédito.
- A contía do premio é de 600 €** que serán aboados mediante transferencia á conta bancaria indicada pola persoa beneficiaria na solicitude e da que deberá ser titular ou cotitular.

5. PRESENTACIÓN DE SOLICITUDES E DOCUMENTACIÓN

As persoas solicitantes deberán cubrir o [formulario electrónico](#) e presentalo debidamente asinado nos rexistros da Universidade ou por calquera dos medios previstos na Lei 39/2015, do 1 de outubro, do procedemento Administrativo Común das Administracións Públicas.

O prazo de presentación das solicitudes será dende o día seguinte ao da publicación desta convocatoria **ata o 30 de setembro de 2019**.

Xunto coa solicitude deberán subir a seguinte documentación:

- Certificación académica ou documentación acreditativa do mérito polo que se concede o premio.
- No caso de estudos estranxeiros de bacharelato, declaración de equivalencia da nota media.

Tamén se lle poderá requirir outros documentos que fosen necesarios para a concesión do premio.

6. SELECCIÓN E RESOLUCIÓN

A Sección de Axudas e Bolsas rematado o prazo de presentación de solicitudes, e unha vez examinadas estas e a documentación presentada, publicará a **listaxe provisoria de solicitudes admitidas e excluídas**, coa mención da causa de exclusión.

As persoas interesadas disporán dun prazo **de cinco días hábiles** contados a partir do día seguinte á publicación para emendar os erros e a falta de documentación. Para tal fin presentarán o formulario de alegacións nos rexistros da universidade dirixido á Sección de Axudas e Bolsas.

Unha vez revisadas as alegacións a selección será efectuada pola comisión de avaliación, de acordo cos seguintes criterios:

- Olimpiadas científicas: prevalecerá a fase internacional, sobre a nacional, e esta sobre a autonómica. Dentro de cada fase terá preferencia o 1º posto sobre o 2º, este sobre o 3º e así sucesivamente.
- No resto dos méritos os premios adxudicaránse de maior a menor puntuación da nota media do expediente académico. No caso de empate adxudicáraselle á persoa con maior nota media de acceso

De resultar vacantes nalgún dos colectivos, os premios serán redistribuídos entre os outros colectivos proporcionalmente ao número de axudas ofertadas ata esgotar o crédito previsto.



ÁMBITO- PREFIJO

GEISER

Nº registro

U03800121s19N0000371

CSV

GEISER-ea78-3947-6435-41d8-b68e-c14b-fe82-05fc****

DIRECCIÓN DE VALIDACIÓN

<https://sede.administracionespublicas.gob.es/valida>

FECHA Y HORA DEL DOCUMENTO

03/07/2019 12:48:36 Horario peninsular

Validez del documento

Original



GEISER-**ea78-3947-6435-41d8-b68e-c14b-fe82-05fc**

No caso de que o número de persoas admitidas sexa inferior ao de premios ofertados aplicarase o procedemento abreviado establecido no artigo 22 da Lei 9/2007, de 13 de xuño, de subvencións de Galicia.

A Comisión de avaliación está composta por:

- Presidenta: Natalia Caparrini Marín, vicerreitora de Captación de Alumnado, Estudiantes e Extensión Universitaria.
- Secretaria: María Guadalupe Fernández Romero, xefa da Sección de Axudas e Bolsas
- Vogal: Rosa Graña Costas, xefa do Servizo de Axudas ao Estudo, Bolsas e Prezos Públicos

Unha vez efectuada a avaliación pola comisión, a Sección de Axudas e Bolsas publicará a **listaxe provisoria de persoas con premio concedido, denegado** coa mención da causa de denegación e a **listaxe de agarda** para o caso de existir renuncias.

As persoas interesadas poderán presentar alegacións no prazo de **dez días hábiles**, contados a partir do día seguinte á publicación, presentando o formulario de alegacións nos rexistros da universidade, dirixido á Sección de Axudas e Bolsas.

Unha vez revisadas as alegacións pola comisión, a Sección de Axudas e Bolsas enviaralle a proposta de **resolución definitiva de persoas con premio concedido, denegado e agarda** á vicerreitora de Captación de Alumnado, Estudiantes e Extensión Universitaria, para a súa publicación.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses a contar dende o día seguinte ao da súa publicación (ou dende o día seguinte de recibir esta notificación), de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte ao da súa publicación (ou dende o día seguinte de recibir esta notificación), perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

Todas as resolucións ás que se refire ente punto publicaranse nos rexistros da Universidade e no [portal de bolsas](#) da web da universidade.

Poderán realizarse as comunicacións individuais que resulten necesarias ao correo electrónico sinalado na solicitude, sen que estas teñan a consideración de notificación.

7. RENUNCIA

No caso de renuncia voluntaria deberá facerse por escrito dirixido á Sección de Axudas e Bolsas. As renuncias aceptadas darán lugar á concesión do premio á seguinte persoa da lista de agarda.



8. OBRIGAS

A persoa beneficiaria deberá estar matriculada durante todo o curso académico 2019/2020 e realizar o pagamento dos prezos públicos asociados á matrícula.

Ademais o/a beneficiario/a debe cumprir as obrigas recollidas no artigo 14.1 da Lei 38/2013, de 17 de novembro, Xeral de Subvencións, que lle sexa de aplicación.

9. REVISIÓN E REINTEGRO DOS PREMIOS

Son causas de reintegro destes premios:

- Non cumprir os requisitos e obrigas recollidas na convocatoria.
- A ocultación de datos, alteralos ou manipular a información solicitada.

A persoa beneficiaria que incorra nalguna destas causas, está obrigada a reintegrar á Universidade a cantidade indebidamente percibida.

10. PROTECCIÓN DE DATOS

Información sobre a política de protección de datos no [Portal de bolsas](#)



ÁMBITO- PREFIJO

GEISER

Nº registro

U03800121s19N0000371

CSV

GEISER-ea78-3947-6435-41d8-b68e-c14b-fe82-05fc

DIRECCIÓN DE VALIDACIÓN

<https://sede.administracionespublicas.gob.es/valida>

FECHA Y HORA DEL DOCUMENTO

03/07/2019 12:48:36 Horario peninsular

Validez del documento

Original



GEISER-ea78-3947-6435-41d8-b68e-c14b-fe82-05fc